

摘藻堂四庫全書薈要

集部

欽定四庫全書薈要

集部

御定歷代題畫詩類卷

十八至  
二十

欽定四庫全書薈要

御定歷代題畫詩類卷十八目錄

山水類

題黃居寀秋山圖

唐徐光溥

次韻和鄧慎思謝劉明復畫道林秋景

宋孔武仲

二首

書李世南所畫秋景

宋蘇軾二首

次韻秦少游秋野圖

宋陳師道

秋山圖 宋文同

晚秋煙波圖 宋文同

題童壽卿秋山圖 宋王炎

題柴言秋景山水 宋陸游

秋景 宋陸游

題范寬秋山小景 金劉迎

江天秋晚圖 金王繪

秋江待渡橫披 元元好問

巨然秋山 元元好問

宋高宗題李唐秋江圖 元劉因

題秋塘圖 元陳深

喬達之畫江山秋晚圖 元程鉅夫三首

題祁提點秋山圖 元程鉅夫

秋山圖 元袁桷

子昂秋山圖 元虞集

題秋山圖 元虞集

題巨然秋山

元楊載

題秋山圖

元范梈

題周曾秋塘圖卷

元李洄二首

趙千里秋景

元吳鎮

趙子昂秋景

元吳鎮

范寬江山秋霽

元吳鎮

李昭道秋山無盡圖

元吳鎮

李成江邨秋晚

元吳鎮

臨李思訓員嶠秋雲圖 元黃公望

題江鄉秋晚圖 元薩都拉

題秋山圖 元宋本先

題秋日江邨圖 元劉詵

江山秋色圖 元吳師道

秋山圖 元王冕

題秋山圖 元郭翼

題秋山圖 元馬臻

題秋江圖 元舒遜

題周曾秋塘圖 元張珪

題李唐秋山圖 元鄭東

題許道寧溪山秋晚圖 元張天英

朱元暉江山秋晚圖 元僧大沂

訪弟長沙霍元瞻雪夜為作秋山圖 明詹同

秋景山水 明張以寧

題秋江小景 明劉崧



題華陽彭玄明所畫秋山圖 明劉崧

題山水秋景 明貝瓊

題宋周曾秋塘圖 明楊基

題趙仲穆秋山圖 明錢宰

題馬文璧秋山圖 明魯淵

秋景小幅 明王行

題畫秋景 明高棟

題秋景畫 明解縉

為侍講時彥題秋意圖 明金幼孜

為吏部師尚書題秋景 明金幼孜

秋景 明金幼孜

山水圖秋景 明商輅

山水秋景 明劉珣

秋景圖 明蘇平

倣王叔明筆意作溪山秋晚卷輒題絕句 明高道

素

題野塘秋景

明戈鐫

弘上人蓄秋山圖

明僧大圭



欽定四庫全書薈要卷一萬九千一百二十六

集部

御定歷代題畫詩類卷十八

山水類

題黃居寀秋山圖

黃休復益州名畫紀云居寀字伯鸞筌少子也畫藝敏贍不讓

於父蜀之四主崇奢居寀父子入內供奉迨四十年宮殿苑囿池亭牆壁屏幃圖畫不可紀錄授翰林待詔將仕郎試太子議郎賜金魚袋淮南通好之日居寀與父同手畫四時花雀圖青城山圖峨眉山圖春山圖秋山圖用答國信使命將發秋山全未及畫蜀王令取在庫秋山圖入角居寀與父奉命別畫徑月方畢工更愈於前者光溥進秋山圖歌以紀之

唐  
徐光溥

天與黃筌藝奇絕筆精迴感重瞳悅運思潛通造化工  
揮毫定得神明訣秋來奉詔寫秋山寫在輕綃數幅間  
高低向背無遺勢重巒疊嶂何孱顏目想心存妙尤極  
研巧覈能狀不得珍禽異獸皆自馴奇花怪木非因植  
崎嶇石磴絕游蹤薄霧冥冥藏半峯娑羅掩映迷仙洞  
薜荔纍垂綴古松月檻參浮橋僧老坐撻筇屈原江上  
嬋娟竹陶潛籬下芳菲菊良宵祇恐鷓鴣啼晴波但見

鴛鴦浴暮煙  
幕幕鎖邨塢  
一葉扁舟橫  
野渡颼颼白  
蘋欲起風黯  
黯紅蕉猶帶  
雨曲沼芙蓉  
香馥郁長汀  
蘆荻花藪藪  
雁過孤峯貼  
遠青鹿傍小  
溪飲殘綠秋  
山秀兮秋江  
靜江光山色  
相輝映雪迸  
飛泉濺釣磯  
雲分落葉擁  
樵徑張璪松  
石徒稱奇邊  
鸞花鳥何足  
窺白旻鷹逞  
凌風勢薛稷  
鶴誇警露姿  
方原畫山空  
巉巖峭壁枯  
槎人見嫌孫  
位畫水多洶  
湧驚湍怒濤  
人見恐若教  
對此定妍媸  
必定伏膺懷  
愧悚再三展  
向冕旒側便  
是移山

回礪力大李小李滅聲華獻之愷之無顏色髣髴垂綸  
渭水濱吾皇覩之思良臣依稀荷插傳巖野吾皇覩之  
求賢者從茲仄席復懸旌宵衣旰食安天下才當老人  
星應候願與南山俱獻壽微臣稽首貢長歌丹青景化  
同天和

次韻和鄧慎思謝劉明復畫道林秋景

二首

宋孔武仲

鈴齋清話未更端一掃禪林景趣完縹緲已褰新殿塔



縈紆仍引外峰巒冷風有意生空濶密雪無聲下廣寒  
平昔所遊今在眼淒涼疑是夢中看

以時傳畫雖不費要秋得冬如未完恍疑霰雪滿天地  
慘若暮氣迷峯巒夜堂高張醉魂醒暑館偶窺吟魄寒  
筆端原本闕與造化會莫作人間毫素看

書李世南所畫秋景二首

宋蘇軾

野水參差落漲痕疎林欹倒出霜根扁舟一櫂歸何處  
家在江南黃葉村

金剛經  
卷十八  
人間斤斧日創夷誰見龍蛇百尺姿不是谿山曾獨往  
何人解作挂猿枝

次韻秦少游秋野圖

宋  
陳師道

江清風偃木霜落鴈橫空若箇丹青裏猶須著此翁

秋山圖

宋  
文同

孤峰露蒼骨疎木聳堅幹高堂挂虛壁爽氣來不斷

晚秋煙波圖

宋  
文同

直於一丈素寫盡千里景雲山杳杳已成秋煙水膠膠

方入暝君應無心得此畫我豈有言能爾詠

題童壽卿秋山圖

宋王炎

我本山中人築室依澗岡世故驅我來緇塵滿衣裳見  
此山中景我思更深長老樹何離離瘦石何蒼蒼借問  
此何時天寒鴈南翔西風有搖落蘭桂含幽芳

題柴言秋景山水

宋陸游

高秋風雨天幽居詩酒地君看此氣象其可折簡致

秋景

宋陸游

秋山瘦嶙峋秋水渺無津如何草亭上却欠倚闌人

題范寬秋山小景

金劉迎

山高最難圖意足不在大尺楮渺千里長江浸橫翠人家雜煙樹懽恍徒意會苟或森三尺便若俗子對此畫格律嚴興寄獨超邁洗眼映窗明妙處乃不昧流泉見原委著屋分向背推車度危橋指路向關隘輕舟最渺茫浦嶼如有待山稜瘦露骨汀洲橫若帶木葉黃欲脫秋容儼然在霜餘無片雲歷歷數沙界搜尋目力疲欲

賦無可柰近山才四寸萬象紛納芥欲識無窮意聳翠  
更天外

江天秋晚圖

金王繪

萬頃波間蹋浪兒瀟湘秋晚趁歸時四山紅葉風聲健  
散入儂家欸乃詞

秋江待渡橫披

元元好問

物外琴尊合往還爭教俗駕點溪山畫師果識閒中趣  
只作橫舟落照間

巨然秋山

為鄧州相公賦

元

元好問

筆端游戲三昧物外平生往還為問阿師何在白雲依

舊青山

宋高宗題李唐秋江圖

元

劉因

秋江吞天雲拍水濤借西風挾不起斷雲分雨入江邨  
回首龍沙幾千里澹菴老筆搖江聲髣髴阿師慘淡情  
千秋萬古青山恨不見歸舟一葉橫

題秋塘圖

元

陳深

水落秋菰老夕寒煙樹微絕憐雙白鷺飛去似知幾

喬達之畫江山秋晚圖

三首

元程鉅夫

遮日西來正暮秋買魚沽酒醉船頭如今見畫渾疑夢  
知是南湖第幾洲

千山木落鴈飛初樵屋魚梁路有無京國貴人真巨力  
盡移生計入新圖

別來事事可名家獨我空添兩鬢華天際有山歸未得  
遠峯休著淡雲遮

題祁提點秋山圖

元程鉅夫

仙人縮地古今同何處移來水外峰  
我與白鷗曾有約  
可憐相見畫圖中

秋山圖

元袁桷

簇簇麻姑十二闌倚空搖落總塵寰  
卧遊京洛誰消得  
一榻松風響珮環

子昂秋山圖

元虞集

翁昔少年初畫山丹楓黃竹雜潺湲  
直疑積雨得深潤



不假浮雲相往還  
世外空青秋一色  
牕中遠黛曉千鬟  
瀛洲鷄犬同人境  
尚想翁歸向此間

題秋山圖

元虞集

峰迴留深隱  
天清襲素袍  
棲身斷人蹟  
游目送鴻毛  
樹挂栖厓鶩  
藤懸飲子猷  
龍眠石澗冷  
虎撼樹根牢  
木客吟時共  
山樵奕處遭  
浮雲過水盡  
孤月挾霜高  
羽使來三島  
胎仙舞九皋  
左招玉斧飲  
右攬赤松遨  
空色收寥廓  
虛聲起繹騷  
彈琴遺古散  
戴酒棹輕舠  
遂向圖中見

誰能世外逃  
乘槎幾月至一泛九秋濤

題巨然秋山

元楊載

山色嵯峨樹老蒼  
筆端描邈辨毫芒  
從來名下無虛士  
可與荆關作鴈行

題秋山圖

元范梈

我愛秋景好  
自緣秋氣清  
江空石露骨  
木落風無聲  
偶向畫中見  
猶如雲外行  
祇疑豺與虎  
無地得縱橫

題周曾秋塘圖卷二首

元李洞

家在東南雲錦鄉  
心魂元是水花香  
哦詩想入秋塘境  
鴛鴦驚飛一夕忙

鮫人初息露香機  
花覆龍梭鳥自飛  
莫向西湖問煙水  
夜涼風露濕荷衣

趙千里秋景

元吳鎮

秋光蕭瑟滿林霜  
籬菊英英桂子黃  
最是西堂風月好  
不妨遊衍樂清狂

趙子昂秋景

元吳鎮

遠山斜日紫煙霏一擢鵲夷竟不歸蕭瑟秋風虛閣表  
詩翁吟罷欲添衣

范寬江山秋霽

元吳鎮

滄江遙帶碧雲流紫翠凝巒萬疊秋閣倚蛟宮飛雨濕  
人依鳥道動離愁帆歸極浦蒼山合木落千林暮靄浮  
豈是筆端分造化無窮巖壑一縑收

李昭道秋山無盡圖

元吳鎮

奇峯倒映青冥立絕壑高懸白霧開萬里無雲見秋末

千林有雨向春回

李成江邨秋晚

元 吳 鎮

咸熙畫圖無與共傳世希微愛者衆二李之後已寥寥  
宣和當日尤珍重新圖一旦落人間神宮寂寞何時還  
經營意匠出塵表上下五百誰能攀水迴中有漁舟泊  
山頂崇臺招白鶴籬根浮出水潺潺萬竹琳琅奏天樂  
霜飛木落一天秋棲禽向晚聲啾啾柳溪錯認淵明宅  
過橋豈是王弘儔景色蕭條如太古路僻邨深貯煙霧

分明再見輞川人  
蕪詞何敢輕為附  
清客自是鑒賞家  
持將却向天之涯  
幾回試展未能去  
落盡庭前無數花

臨李思訓員嶠秋雲圖

元  
黃公望

蓬山半為白雲遮  
瓊樹都成綺樹花  
聞說至人求道遠  
丹砂原不在天涯

題江鄉秋晚圖

元  
薩都拉

沙頭潮下秋水枯  
雲山落日雲模糊  
草堂遠近路長驅  
蕭蕭行李行人孤  
蹇驢度橋歸思急  
村南村北天秋色

何者相呼鷄犬聲山前山後煙樹立江風水面吹殘莎  
打魚小艇如飛梭何人蕩槳立船尾釣者船頭腰半駝  
小李將軍不可作粉壁流傳愁剝落石門守者尤好奇  
拄杖敲門索新跋京口綠髮參軍郎見君此畫心即降  
攜家便欲上船去買魚煮酒揚子江

題秋山圖

元  
宗本先

南遊鴈蕩北居庸歷歷青山在眼中今日不勝惆悵處  
馬頭黃葉又秋風

題秋日江邨圖

元 劉詵

黃葉秋風趁蹇驢  
平洲遠嶺鴈相呼  
野舟盡日間無用  
只與人間作畫圖

江山秋色圖

元 吳師道

江南何處景一幅  
淡含暉草木半黃落  
樓臺深翠微  
橋連秋水渡船與暮雲歸  
我亦漁樵客  
悵然思拂衣

秋山圖

元 王冕

前年放船九江口  
秋風獵獵吹蒲柳  
買魚沽酒待月明



不知江上青山走三更吹笛欲喚人溥溥白露浸衣巾  
故鄉遙遙書斷絕空見過鴈如飛雲去年却下七里灘  
秋水滿江秋月寒子陵先生釣魚處荒臺直起青雲端  
先生不受漢廷官自與山水相盤桓至今高節敦廉頑  
清風凜凜誰能攀泊舟登岸行復止小徑分歧通草市  
石林掩映樹青紅正與今年畫相似茅廬半住林木裏  
白狗黃鷄小如蟻翁媪無言童穉間可是太平風俗美  
清谿水落魚蟹新東鄰釀熟呼西鄰相牽相把意思真

親密不異朱陳民李端筆力乃巧妙寫我舊日經行到  
豈是老夢眈水墨不覺掀髯發長嘯殷家大樓滄江頭  
留我十日風雨秋觸景感動客邸愁便欲卜築山之幽  
斷橋流水無人處添種梅花三百樹直待雪晴冰滿路  
騎驢相逐尋詩去

題秋山圖

元郭翼

山上浮雲天幾重秋高華散玉芙蓉好攜謝朓驚人語  
醉裏來登落鴈峰

題秋山圖

元馬臻

江山萬里舊曾遊  
閒裏收將水墨秋  
記得雙帆投別浦  
老來忘却是何州

題秋江圖

為黃友仁賦

元舒遜

老樹槎枒石巖從  
隔岸人家紫煙重  
長江蒼茫日夜浮  
天塹西來雲影動  
駕風上水誰家船  
片帆高颺孤雲邊  
林下伊誰襜褕子  
抱琴應訪草堂仙  
毫端遠勢莫與比  
巴陵洞庭秋色裏  
莫是當年顧虎頭  
寫出滄洲千萬里

題周曾秋塘圖

元張珪

荷枯葦折澹秋塘岸側芙蓉鏡裏妝  
水宿雲飛禽共樂不須別處覓瀟湘

題李唐秋山圖

元鄭東

萬壑霜飛木葉丹石橋流水暮生寒  
却疑二月天台裏一路桃花照馬鞍

題許道寧溪山秋晚圖

元張天英

江山黃落楚雲寒野老巖棲一塢寬  
賣藥長安不求識

如何飛墨下雲端

朱元暉江山秋晚圖

元僧大沂

紅樹宜秋晚澄江媚落暉扁舟如喚我莫待白頭歸  
訪弟長沙霍元瞻雪夜為作秋山圖

明詹同

我愛霍元瞻清標如玉雪蒼松立石崖白鶴鳴海月瘦  
馬衝寒冰在鬚日暮去訪元瞻居高堂中夜燒長燭為  
我寫出秋山圖墨池水凍筆如槩使我見之喜且愕雲

氣忽從衡嶽來雨聲似向瀟湘落二客蘭舟泊遠沙一  
箇茅亭在陰壑感君厚意不可量我欲酬爾明珠璫賈  
傅祠前相別去挂在鵲山青草堂

秋景山水

明張以寧

秋巘白雲晚霜林紅葉多野橋山郭外行子暮來過為  
問小搖落江南今若何

題秋江小景

明劉崧

秋水無波淨落暉江沙雲樹轉依微望中一片瀟湘意

無數征帆逐鴈飛

題華陽彭玄明所畫秋山圖

明劉崧

我不識華陽彭煉師見畫雲山想句曲數峯暝色入遙  
浦六月泉聲動虛谷紫霞樓觀當落日似有幡幢出林  
木海邊鼇首戴雲紅天際峨眉拂秋綠昔聞天台鴈蕩  
相鈎連雲氣來往駕飛仙斷橋溪澗路如棘嗟爾策蹇  
歸何年秋風湖曲波如煙我思東汎吳江船買魚沽酒  
綠荷渚吹笛夜下松門前便尋煉師覓玄鶴却訪華陽

窺洞天

題山水秋景

明 貝瓊

田家酒熟當早歸  
天氣漸涼催授衣  
一夜西風破霜蕊  
芳菲不共芙蓉死

題宋周曾秋塘圖

明 楊基

陂塘九月菰蒲老  
菱葉無多荷葉少  
無數飛來白鷺明  
一羣遊去青鳬小  
寒雲弄影忽成霞  
鴈帶斜行下淺沙  
晚色不隨流水去  
秋光都在拒霜華  
當時內殿春風細



紫衣傳教詞臣醉鮑謝文章沈宋才詩成曲盡秋塘意  
塘水秋來景漸疎低烟斜日照平蕪鴛鴦去盡芙蓉死  
空向人間看畫圖

題趙仲穆秋山圖

明 錢 宰

人家水檻接山窗好在江南山水邦兩岸雲林皆落日  
一天鳬鴈共秋江屋頭數遍青巒九松下吟成白石雙  
野服何人正蕭散泊船歸醉酒盈缸

題馬文壁秋山圖

為盧仲章賦

明 魯 淵

野館空山裏，泉林象外幽。  
淡雲初霽雨，紅葉早驚秋。  
路轉山藏屋，橋危岸倚舟。  
直疑人境異，便欲問丹丘。

秋景小幅

明王行

煙碧帶霜紅，秋深處處同。  
晚晴山更好，詩在野航中。

題畫秋景

明高棟

疎林遠岫帶煙霏，積水長天合翠微。  
何處寒聲隨落葉，一行新鴈向南飛。

題秋景畫

明解縉

秋山風露寒林莽忽摧落山家樂餘暇逍遙在虛壑白  
雲澹無心紅樹相羅絡此景良已佳何用翔寥廓

為侍講時彥題秋意圖

明金幼孜

長天帶遠景絕島含秋意橋響客時過竹深門獨閉蒼  
煙迴蕭瑟落日生迢遞回首大江西故山何處是

為吏部師尚書題秋景

明金幼孜

天際涼風瀑布流遙峯積翠雨初收板橋人渡疎林晚  
野寺蟬鳴落葉秋

秋景

明金幼孜

涼雲鴈叫荻花秋  
兩岸青山帶淺流  
向晚月明天似水  
吹簫獨上木蘭舟

山水圖秋景

明商輅

青山遠近白雲重  
誰識當年把釣翁  
千載嚴陵灘上路  
令人猶自憶高風

山水秋景

明劉珏

銀河倒挂青山頂  
蒼蚪偃卧芙蓉冷  
煙巒深處起樓臺

雙雙人在蓬萊境我觀斯人非避秦韜輝伏耀全天眞  
盍簪愛話無生事恐教名利縈茲身霜葉林邊秋色映  
桂花香裏行廚淨彈琴惟取古為音漉酒還將清比聖  
逍遙此樂人間稀潔已由來世所譏只今四海皆樂土  
不羨羊裘釣石磯

秋景圖

明  
蘇平

雙溪雨過夕流清萬頃煙波入望平兩岸碧峯凝暮色  
一庭黃葉墮秋聲西風遠浦征帆小落日青山去鳥明

寄語讀書林下客莫因高卧謝時名

倣王叔明筆意作溪山秋晚卷輒題絕句

明高道素

洞庭風欲暮瀟湘雲正秋漁竿隨意好歸興滿汀洲

題野塘秋景

明戈鵠

芙蓉秋色滿銀塘白鷺雙飛下晚涼記得采蓮看越女  
醉騎驕馬映垂楊

弘上人蓄秋山圖

明僧大圭

萬峯霜晴翠如洗峯底行雲度流水西北高樓爽氣邊  
江南落木秋聲裏蒹葭潮長魚在梁白鷗飛盡天茫茫  
松根丈人讀書處時有疎鐘來上方仙槎影沒銀漢遠  
木末芙蓉為誰剪何處涼風送客船歸來似是東曹掾  
東曹頗笑未識機挂帆直待鱸魚肥山川搖落已如此  
不信草露沾人衣平生畫手不可遇坐閱新圖得真趣  
題詩寄與沃洲僧吾亦買山從此去

御定歷代題畫詩類卷十八



欽定四庫全書薈要

御定歷代題畫詩類卷十九目錄

山水類

題高尚書秋山暮靄圖

元鄧文原

顧愷之秋江晴靄圖

元鄧文原二首

王維秋林晚岫圖

元鄧文原

題張繇所畫霜林雲岫圖

元鄧文原

題危太樸所藏榮陽鄭虔畫秋巖橫靄圖

元鄧文

原二首

顧愷之秋江晴嶂圖

元黃公望

李咸熙秋嵐凝翠圖

元黃公望

題關仝層巒秋靄圖

元黃公望

王維秋林晚岫圖

元黃公望二首

李咸熙山市霜楓圖

元黃公望

趙大年秋邨暮靄

元吳鎮

李咸熙秋嵐凝翠

元吳鎮

關仝秋山凝翠

元吳鎮

顧愷之秋江晴嶂

元吳鎮

右丞秋林晚岫

元吳鎮

張僧繇霜林雲岫

元吳鎮

秋江晚景圖

元劉秉忠

題高尚書秋山暮靄圖

元郭昇

關山秋霽圖

元王惲二首

江亭秋霽圖

元舒遜

題秋山晚眺圖

元吳澄

題高尚書秋山暮靄圖

元沈右

秋山暮靄圖

元柯九思

寫秋林遠岫圖

元倪瓚

雲峯秋霽圖

明藍仁

秋山曙色圖

明陶安

湖山秋霽圖

明鄭亮

一片秋意

明楊崇

題秋林泉石圖

明王稟

秋江晚眺圖十三韻

明陳政

江山秋暮圖

明蘇平

為唐池南題秋江遠眺圖

明楊慎

層巒秋霽

明張寧

題方壺山秋意圖

明呂復

題趙幹煙靄秋涉圖

明王世貞

題蘭湖秋色圖

明王世貞

秋水繫舟圖 元張庸

秋水繫舟圖 明廖道南

題紅葉扇頭 元王惲三首

題紅樹秋色 明董其昌

賦得千山紅樹圖 明楊慎

欽定四庫全書薈要卷一萬九千一百二十七

集部

御定歷代題畫詩類卷十九

山水類

題高尚書秋山暮靄圖

元 鄧文原

傍溪草舍隔林中望際雲山翠幾重長憶雨餘閑信馬  
輕鞭遙指兩三峯

顧愔之秋江晴靄圖

二首  
有序

元 鄧文原

太樸危君所藏愔之妙卷誠希世物也出示索書不

勝歎羨為書短句以志喜云

晉室風裁推虎頭山川靈氣屬君收  
指端幻出千重秀  
并作江南一段秋

靜日攜筇溪水頭何如風景障圖收  
與君相對坐不語  
祇領千林萬壑秋

王維秋林晚岫圖

元  
鄧文原

千峰凝翠宛神州中有仙翁寤寐遊  
林麓漸看紅葉暮  
風煙俄入野塘秋  
搖搖小艇尋谿轉  
寂寂雙扉向晚投



我欲探幽未能去畫中真境許誰儔

題張繇所畫霜林雲岫圖

元 鄧文原

慚余生也晚未能識君顏宿秉川嶽氣時發胸臆山澗  
壑自回互溪林若縈環雲光映天色秋葉舒錦斑室中  
有楊子向晚啓玄關何如塵外侶日夕相與還悠悠箇  
中意未許落人寰

題危太樸所藏滎陽鄭虔畫秋巒橫靄圖 二首

元 鄧文原

金風瑟瑟入空山  
邨落人家葉盡斑  
羨殺箇中奇絕處  
一天煙靄有無間

鄭君胸次有江山  
應識區區只一斑  
山色空濛斜日裏  
鬱林遙指碧雲間

顧愷之秋江晴嶂圖

有序

元黃公望

顧長康天才馳譽在當時  
為謝安石知名其寓意於  
畫離塵絕俗開百代繪事之宗  
至於癡亦由資稟之高  
好奇耽僻不欲與世同  
故人有三絕之稱此卷墨

法入神傳采入妙莫得知其所以始而亦莫得知其  
所終變幻百出誠可謂聖於畫矣宜學知勉行者所  
得髣髴其一二哉一日太樸出示驚賞不已然亦不  
敢久羈敬書於後以復

三絕如君少斯圖更擅場設施無斧鑿點染自微茫山  
碧林光淨江清秋氣涼憐余瞻對久疑入白雲鄉

李咸熙秋嵐凝翠圖

元黃公望

山林之樂幽且閑何人卜居雲半間江亭矗立蒼樹杪

招提高出碧溪灣循溪隱隱穿細路斷岸疎疎起煙霧  
微茫萬頃白鷗天鴈陳鳬羣落無數樵歌初斷漁唱幽  
橋邊野老策杖留春山萬疊西日下渺渺一片江南秋  
我昔荆溪問清隱溪上分明如此景別來時或狂夢思  
忽見此圖心為醒李侯少年擅丹青晚歲筆意含英靈  
興來漫寫秋山景妙入毫末窮杳冥無聲詩與有聲畫  
侯能兼之奪造化臨窗點筆試題之老眼糝糊忘高下

題關仝層巒秋靄圖

有序

元黃公望

關全此卷雖祖洪谷子而間以王摩詰筆法融液秀  
潤正其中歲精進之作也人謂有出藍之美詎不信  
夫

羣峯直矗直矗暮雲連羅磴逶迤鳥道懸落葉深深門半掩  
疎花歷歷客猶眠巖端飛瀑為青雨江上歸舟淨碧煙  
應識箇中奇絕處昔年洪谷屬君傳

王維秋林晚岫圖

二首  
有序

元  
黃公望

王右丞生平畫卷所稱最者唯輞川雪谿捕魚等圖

耳吾意以為絕響不謂太樸於中州友人家又得此  
卷而用筆之妙布置之神殆尤過焉固知右丞胸中  
伎倆未易測識而千竒萬變時露於指腕間無窮播  
弄豈非千載一人哉置之案頭臨摹數過終未能得  
其髣髴漫書短句并識而歸之

羣山矗矗凝煙紫萬木蕭蕭向夕黃豈是邨翁戀秋色  
故將輕舸下橫塘

秋嵐荏苒汎晴光處處邨邨帶夕陽一段深情誰得似

故知輞口味應長

李咸熙山市霜楓圖

元黃公望

市散誰聞野鳥聲  
短橋何處旅人行  
莫嫌寂歷空山道  
隔岸丹楓刺眼明

趙大年秋邨暮靄

元吳鎮

曲磴平岡外  
遙峯落照沈  
人家三徑僻  
煙樹幾邨深  
漁唱流寒碧  
樵歌步夕陰  
悠然懷舊侶  
山館散清音

李咸熙秋嵐凝翠

元吳鎮

雨過秋光映翠微  
巖雲一抹澹荆扉  
千山寂寂疎鐘杳  
萬壑蕭蕭落木稀  
澗水奔飛行路濕  
松篁迴合墅禽歸  
征帆點點滄江上  
應羨山人種蕨薇

關仝秋山凝翠

元 吳 鎮

絕壁孤亭迴千峯  
落日曛沙明江上  
樹客帶洞前雲市  
散雞鳴遠却荒犬  
吠聞一天秋色好  
多向此中分

顧愔之秋江晴嶂

元 吳 鎮

從來六法重長康  
染得新圖更鬱蒼  
萬頃遠橫秋鏡闊



千重林立彩雲長  
邨邨鷄犬鳴晴晝  
兩兩漁樵話夕陽  
無限風煙誰得似  
欲將此處付行藏

右丞秋林晚岫

元吳鎮

右丞已往六百載  
翰藻神工若个同  
千嶂遠橫秋色裏  
山家遙帶暮煙中

張僧繇霜林雲岫

元吳鎮

六朝畫史知無幾  
吳下僧繇獨擅場  
百疊蒼巒浮障起  
千林紺葉入雲長  
低回野渡鐘聲遠  
寂寞荒邨樹影涼

咫尺披圖更蕭瑟短詞何敢遂揄揚

秋江晚景圖

元 劉秉忠

落筆縱橫不自休抹成小景絕清幽  
碧波千里楚山晚紅葉一林荆樹秋  
古渡任分南北岸長棹自送往來舟  
十年間事渾如昨對此依稀復舊遊

題高尚書秋山暮靄圖

元 郭畀

遠樹含空煙羣峯緘積翠離離雁外檣  
落日來天際高侯丘壑心點墨晤三昧  
我欲畫滄洲畫長枕蓬睡

關山秋霽圖

二首

元王惲

望京樓上晚凭闌  
長記居庸八月還  
一段紫煙吟不盡  
枉分秋色與南山

生平懷霽是初心  
捲盡江山萬里陰  
十載夕佳亭上客  
卷中還對玉千岑

江亭秋霽圖

為黃友仁題

元舒遜

萬頃波光煙縹緲  
風颭秋聲生木杪  
隔江髣髴是江南  
一帶遠山青未了  
何人獨引小溪僮  
來訪幽亭翫易翁

亭下扁舟纜莫解磯頭昨夜多顛風

題秋山晚眺圖

元吳澄

西風醉帽倚斜暉詩思山情萃一時一轉頭間無覓處  
却尋舊畫要新詩

題高尚書秋山暮靄圖

元沈右

高侯筆法妙天下貌得江南雨後山都是乾坤清淑氣  
興來移入畫圖間

秋山暮靄圖

元柯九思

三代以來推盛世九州之外有斯人君看筆底生秋色  
盡在瀟湘楚水濱

寫秋林遠岫圖

贈約齋  
因題

元倪瓚

五言韋刺史此地數曾遊無復綠陰靜空悲紅樹秋市  
聲晨浩浩雲影暮悠悠徵士沖襟勝邀余共茗甌

雲峯秋霽圖

為方  
煥賦

明藍仁

茅屋溪頭紅樹村石梁秋水清無痕粉榆過雨鳥鳴澗  
秔稻如雲山對門老翁日高睡未起穉子讀書牕戶裏

干戈如此賦斂煩鷄犬晏然鄉曲喜山中酒熟黃花開  
仙人候我芙蓉臺雲林今夜好明月擬跨幔亭黃鶴來  
武夷山水天下無層巒疊嶂皆畫圖山川直疑渾沌鑿  
秦漢而下靈仙都中天積翠開宮殿石壁虹光夜如電  
鸞鳳常驂神姝遊猿猱共醉曾孫宴洞中別有昇真天  
瓊林遺蛻如枯蟬露盤仙掌千年藥春水桃花九曲船  
萬松岡頭羽衣客更入三山採真訣神游不計海天遙  
夢覺長懷海天白歸來高隱萬年宮天香時降雙青童

道參元始鴻濛外身寄虛空象緯中嗟余久慕煙霞侶  
天遣空山作詩苦清歌曾遶幔亭雲凍筆空題草堂雨  
金丹擬就玉蟾分木葉西風鐵笛聞野老只知堯舜世  
樵夫或遇武夷君

秋山曙色圖

明陶安

樹含曉色護林巒重露如嵐滴翠寒猿鳥儘逢山叟慣  
未嘗驚怪竹皮冠

湖山秋霽圖

圖有鴻鴈鳥鵝  
竹木為太守作

明鄭亮

太湖潏潏浮晴玉蘆荻河洲秋蔌蔌懸岬萃律鯁娥森  
羣雁盤翔下平陸瑤天捲雲碧於鏡山空水闊橫秋影  
玉筆峰前鐵畫書白榆川上金蛇陣哀鴻冥冥破昏碧  
寒聲帶暝相呼急蘭室銀缸融冷光佳人半掩羅襦泣  
小奴有警相依眠野人矰繳令悄然夢迴胡塞三更月  
魂逐衡陽萬里天栖栖有恨誰教省啄者自啄飲自飲  
南國原田菰米稀洞庭渚澤煙波冷學淵老仙鶴骨清  
修筠落木多秋情夕陽樹杪散餘綺歸鳥欲宿啞啞鳴



爾鳥已托一枝安  
征鴻暫喜平柯寬  
明日飛騫九達上  
請看儀羽天朝端

一片秋意

為史院  
部題

明楊榮

昨夜西風起蘋末  
長林蕭蕭葉初脫  
夕陽流水澹無波  
玻瓈沉浸青冥闊  
斷隄古岸遙相連  
髣髴疑是鏡湖邊  
黃花未發含清露  
白鳥欲度橫蒼煙  
人間此景何瀟灑  
獨對新圖意閒雅  
安得扁舟泛綠漪  
坐看翩翩海鷗下

題秋林泉石圖

明王稟

高林頗深邃遠洲亦縈紆風景亦何異中有隱者廬陽  
崖落日明陰礪浮雲虛耕野見秋火扣舷聞夜漁竭來  
塵網中機務日相拘念茲膏肓疾媿彼泉石圖抱拙謝  
簪黻養素宜琴書俯仰天宇寬所樂恒有餘

秋江晚眺圖十三韻

明陳政

看君圖畫裏秋意浩無窮水遠天涵碧林疎霞映紅懸  
蘿低拂石古木上撐空顥氣初過雨晴嵐不動風舟閒  
依草薄亭寂闕榛叢僧寺浮雲外人家落照中翠稀零

岸葦丹密變江楓遠字聯寒鴈危橋隱暮虹地蟠山矗  
矗天杳樹濛濛眺遠秋容澹尋幽野興濃乍疑牛渚客  
又似鹿門翁咫尺窮佳致尋常見化工金陵秋色晚風  
景宛然同

江山秋暮圖

明  
蘇平

江鄉風物遠依微雲樹離離帶夕暉黃葉亂隨流水去  
青山遙映白鷗飛一聲牧笛和煙暝幾處漁舟載月歸  
有客年來簪組繫漫勞清夢想柴扉

為唐池南題秋江遠眺圖

明楊慎

秋空沈寥秋影闊魚尾霞收雲一抹千崖有靄風落山  
萬壑無聲水歸末槎枒老木拏蚪龍梭槭平林叫鷓鴣  
不聞金籟似竽鳴但見翠微如黛潑宰堵僧睇迴不昏  
略約樵行危易怛一彎赤燒楓人明萬箇黃雲稻孫割  
尋穴玄駒迷東西卜樹烏鴉相叫聒詞客頻將技癢搔  
畫工欲把天機奪老倦捫蘿與攀葛倚闌獨把吟髭捋  
遙岑寸碧天杵倚遠目雙明海月掇開尊披圖興不淺

烏絲欄界玄霜沫為君走筆賦新詩却笑蕭郎擊銅鉢

層巒秋霽

為諸立夫題

明張寧

秋風吹雲秋雨晴羣山滌翠羣峰明天光下際澤氣隱  
一碧萬仞青螺橫山高石峻無靡草桂館蘭房淨如埽  
振谷天球練瀑飛障林霜錦丹楓繞采蘋誰泛小蘭舟  
急水迴塘不自由雲端笙鶴來何晚澗底荆薪人白頭

題方壺蒼山秋意圖

明呂復

昔遊華蓋仙人掌萬疊芙蓉紫翠生猶記月明聞鐵笛

人間無處著秋聲

題趙幹煙靄秋涉圖

明王世貞

澹靄徐分遠近山一溪新漲碧灣環  
行人不道褰裳苦却似清沂出浴還

題蘭湖秋色圖

送王吏部

明王世貞

秋浦木蘭檝青雲鵝鷺行時人歸簡  
要循吏有輝光水鏡元同澈露桃難共  
芳芙蓉池上客誰不向王郎

秋水繫舟圖

元張庸

小姑山到彭郎磯老樹含風霜葉飛何人泊舟秋色裏  
釣得鱸魚三尺肥

秋水繫舟圖

明 廖道南

松風萬壑水千尺獨有幽人開草亭  
遶溪花竹弄秋月  
傍岸菰蒲狎客星  
虛閣陰森青石嶂  
孤舟澹蕩白雲汀  
濟川應待築巖叟  
故遣畫工圖爾形

題紅葉扇頭

三首

元 王惲

故宮秋色醉來鮮  
浥露吟風雜暮蟬  
折得不浮流水去

一枝留伴月中仙

深宮不禁水東流  
賦就幽情孰與酬  
紅露滿山秋正好  
等閑休上建章樓

今年火盛若為攻  
盼盼西風一掃空  
忽見扇頭紅錦色  
上陽秋意滿吳宮

題紅樹秋色

明董其昌

山居幽賞入秋多  
處處丹楓映黛螺  
欲寫江南好風景  
雲川一派出維摩



賦得千山紅樹圖

送楊茂之

明楊慎

蕭郎雅工金碧畫愛畫碧石雞與金馬畫作千山紅樹圖  
行色秋光兩瀟灑搖落深知宋玉悲登山臨水送將歸  
丹林初曉清霜重紫谷斜陽赤燒微故人辭我故鄉去  
滇樹遙遙接巴樹桑落他山共醉時楓香客路銷魂處  
白首遐荒老未還流波落木慘離顏錦城紅溼那能見  
千里隨君夢裏攀

御定歷代題畫詩類卷十九

欽定四庫全書薈要

御定歷代題畫詩類卷二十目錄

山水類

題柴言冬景山水 宋陸游

冬景山水 明張以寧

題山水冬景 明貝瓊

冬景 明金幼孜

為吏部師尚書題冬景 明金幼孜

題冬景畫明解縉

題冬景山水明黃仲昭

山水圖冬景明商輅

題李思訓寒江晚山圖元鄧文原

寒汀小景圖元李孝光

寒邨雪暮圖元吳師道

題唐希雅畫寒江圖宋陳與義

高房山寒江孤島圖明王行

倣李營邱寒山圖

明董其昌

題王摩詰畫寒林

宋范純仁

許道寧寒林

宋文同

題鄧國材水墨寒林

宋楊萬里

寒林圖

金元德明

李成寒林圖

元吳鎮

李成寒林圖

元黃公望

題寒林圖

明劉基

題董源寒林重汀圖

明貝瓊

題寒林遠岫圖

明烏斯道

題達實特穆爾大夫所藏王維畫寒林曉行圖

元

蒲道源

題趙團練江干曉景

宋秦觀四首

題雲林晴曉圖

元陳旅

題米敷文煙巒曉景

明錢用壬

雲山晚景圖

元劉因

江天暮景圖 元程鉅夫

畫江天晚色 元倪瓚

誠道原溪山晚霽圖 元釋祖柏

江山晚眺圖 明高啓

暮江圖 明湯顯祖

高尚書夜山圖 元鮮于樞

題高尚書夜山圖 元鄧文原

為蔣英仲作顏輝畫青山夜行圖歌 元柳貫

題高尚書夜山圖

元吳全節

夜山圖

元高克恭

高尚書夜山圖

元趙孟頫

高尚書夜山圖

元虞集

夜山小景

明盛萬年

夜景

明文彭

題山水夜景

明姚澣



欽定四庫全書薈要卷一萬九千一百二十八

集部

御定歷代題畫詩類卷二十

山水類

題柴言冬景山水

宋陸游

草亭臨峭絕霜嶂起嶙峋危磴儻可上老夫思卜鄰

冬景山水

明張以寧

寒月白千峯林深路絕蹤遙知僧定起疎響在高松亦  
欲剡溪去其如山海重

題山水冬景

明 貝瓊

天雲漠漠四野低  
大山小山玉筍齊  
春還何處尋消息  
花發枝南與枝北

冬景

明 金幼孜

萬里平鋪雪滿天  
瑤花亂點散瓊田  
江邨盡日無啼鳥  
惟見沙頭繫釣船

為吏部師尚書題冬景

明 金幼孜

曲曲溪流凍不聲  
扁舟獨載更多情  
千峯玉樹凌寒色

九疊銀屏照晚晴

題冬景畫

明解縉

冬嶺森瑤林積雪縞絕壁天空失孤鳥萬境喧一寂歎  
此行路人旅騎猶歷歷高居者誰氏綸巾坐方適

題冬景山水

明黃仲昭

夜來積雪深曉覺寒威逼呼童棹扁舟蕩漾安所適隔  
溪有寒梅欲訪春消息

山水圖冬景

明商輅

同雲黯黯雪漫山  
繫却扁舟傍水灣  
被擁蘆花酣睡後  
不知身世在人寰

題李思訓寒江晚山圖

元 鄧文原

李唐王孫重豪素  
愛寫寒江千萬樹  
上有蓬萊五色雲  
下有仙家幾庭戶  
清霜點作秋滿林  
咫尺瑤牕起煙霧  
西風吹動晚山蒼  
歸舟掩映猶堪數  
迢迢錦水汎雙鳬  
漠漠青天飛雪鷺  
人間畫手非不多  
誰似李侯得真趣  
李侯宿世列仙儔  
更有何人同出處  
徽廟題來字字真

把玩殷勤廼奇遇斯圖斯景世莫傳古汴荒涼風景暮  
眼中人事已非前畫裏山川尚如故老我披圖一愴然  
落日長歌漫為賦

寒汀小景圖

為去疾  
監丞作

元  
李孝光

秋氣向黃落小雨收虹霓  
緜緜漱浦間水乾見塗泥  
蘆人往何處艇子亂鳬驚  
飛鴻惡見欺決起無東西  
江水動落日羣飛終不迷  
宜無稻梁願湖海尚擇栖  
冥冥一高舉不知弋與罟  
感此三太息北風吹草低

寒邨雪暮圖

元 吳師道

木杪棲鴉景已殘  
沙邊落鴈雪猶寒  
江南江北曾行路  
今日山牕借畫看

題唐希雅畫寒江圖

宋 陳與義

江頭雲黃天醞雪  
樹枝慘慘凍欲折  
耐寒野鴨不知歸  
猶向沙邊弄羽衣  
黃茅終日不自力  
影亂弱藻相因依  
惟有蒼石如卧虎  
不受陰晴與寒暑  
舟中過客莫敢言  
閒伴長江了今古

高房山寒江孤島圖

明王行

千山萬山重復重煙嵐草樹深莫窮高堂大軸示寬廣  
要以筆力誇奇雄青紅蒼翠滿縑素缺處殘碧分遙峯  
雖云眼底供一快未見闊遠開心胸歷觀畫史每如是  
意謂此法由來同昨嘗凌秋潏揚子一舸縹緲乘長風  
洪波吞天渺無際出沒但有孤輪紅中冷盤陀瞬息過  
回首浮玉雲濤中乃知山水有佳處到此始覺飛埃空  
當時海嶽應飽見落墨便自超凡庸不將層疊競工巧

遂使氣象齊鴻濛平生愛畫惟愛此苦恨妙法無能攻  
九州之表有人物意匠髣髴宗南宮莫言未入米家奧  
百年猶數房山翁茲圖咫尺便千里生綃數幅徒為功  
亦知盤礴意有在正欲逐米追高蹤愛之歌詠乃常理  
好事況有天隨宗同觀何人江海客氣似貫月書艸虹  
文辭瀾翻沛難禦奔走風雨驅豐隆古稱珠玉在我側  
濡翰自愧言非工黃塵城郭久見困何地閒靜能相容  
詩成忽復三歎息矯首長望青冥鴻



倣李營邱寒山圖

有序

明 董其昌

余自弱冠好寫元人山水金門多暇夢想家山益習  
之憶顧益卿開府遼陽以兩筴求畫一為益卿一為  
山人王承父余畫承父而返益卿扇報章云左相宣  
威沙漠右相馳譽丹青皆非吾輩第一義俟歸山以  
相怡悅耳蓋簪裾馬上君子未嘗得余一筆而余結  
念泉石薄於宦情則得畫道之助陶隱居云若不為  
無益之事何以悅有涯之生千古同情惟余獨信非

可向俗人道也今年春有朝貴疏余雅善盤礴致塵  
天聽余聞之亟令侍者剪吳綃縱廣丈許磨隄廉瀋  
秉燭寫李成寒山圖經宿而就遂題此詩以洗本朝  
士大夫俗夫韓滉燕肅宋復古蘇子瞻皆善畫朝貴  
腹中無古今固應不知第以為罪案但可曰不能遣  
余習偶被時人知如摩詰語耳視此曹求田問舍殺  
人媚人一生作惡業者何啻梟鳳而妄下語乃爾邪  
世必有能知者余亦何以為意

拈筆經營輞口居  
心知餘習未全除  
莫將枕漱閑家具  
又入山中篋裏書

題王摩詰畫寒林

宋 范純仁

摩詰傳遺跡家藏久自竒  
高人不復見絕藝更誰師  
水石生寒早煙雲結雨遲  
筆端窮造化聊可敵君詩

許道寧寒林

宋 文同

許生雖學李營丘  
墨路縱橫多自出  
交柯揮霍裴旻劍  
亂蔓淋漓張曉筆

題鄧國材水墨寒林

宋楊萬里

人間那得箇山川船上漁卽便是仙  
遠嶺外頭江盡處問渠何許洞中天

寒林圖

為侯子晉賦

金元德明

川光茫茫風景暮一雪無情天地素  
長安閉門千萬家亦有行人蹋長路  
新豐煙火灞橋水畫史工作荒寒趣  
雪中故事知幾何偏識詩翁認寒處  
君不見淮西城下鷺鸞鳴官軍夜斫  
吳家營只如堯家粗俗亦不惡銀燭

金荷天未明拈出雪詩三十韻塞驢席帽可憐生

李成寒林圖

元 吳 鎮

嶺高霜自結風勁入寒時日落晚山碧林空流水悲棲  
鴉尋樹早瘦蹇下岡遲無限黃塵滿幽棲總不知

李成寒林圖

元 黃公望

六法從來推顧陸一生今始見營邱腕中筋骨元來鐵  
世上江山盡入眸林影有風摧落葉澗聲無雨咽清流  
寒驢騷客吟成未萬壑寒雲為爾留

題寒林圖

明 劉基

搖落江邊秋樹林，淒涼久客二毛侵。  
藤蘿歲晚龍蛇死，叢薄天寒虎豹深。  
流水斜陽人遠近，青煙白草雁飛沈。  
桂花自在山中發，悵望西風起夕陰。

題董源寒林重汀圖

明 貝瓊

天下畫師無董源，學者紛紛工水石。  
雲山萬里出巴陵，白頭淮南見真跡。  
亂石平坡淨無土，松根裂石蟠龍虎。  
偃蓋千年飽雪霜，林深六月藏風雨。  
江上邨墟何處入，

浮空遠黛娥眉溼漁人日暮各已歸小舟如鳬落潮急  
我昔西清常看畫南唐此本千金價坐移絕境在雲間  
月出霜猿啼後夜薄游未挂吳淞帆令我一夕思江南  
安得買田築室幽絕境開窗日日分晴嵐

題寒林遠岫圖

明  
烏斯道

游子念故山歲晏不得歸出門見林薄日暮煙火微關  
河渺千里猿狖聲正悲况爾霜雪繁鳥道不可躋陽春  
固伊邇柰此寒無衣衣寒何足歎所憂美人違

題達實特穆爾大夫所藏王維畫寒林曉行圖

元  
蒲道源

野景荒寒霜意邊  
疎林僵立勢參天  
定應畫妙王摩詰  
故著詩清孟浩然  
驢怯小橋鞭不動  
風掀危帽整還偏  
官閒老我叨君賜  
紅日三竿尚晝眠

題趙團練江干曉景

四首

宋  
秦觀

本自江湖客  
宦遊常苦心  
看君小平遠  
懷我舊登臨  
鳥外雲峰晚  
沙頭草樹晴  
想初揮灑就  
侍女一齊驚



公子歌鍾裏何從識渺茫惟應斗帳夢曾到水雲鄉  
曉浦煙籠樹春江水拍空煩君添小艇畫我作漁翁

題雲林晴曉圖

元陳旅

故人別後江波綠神女歸來峽雨乾海上日花春冉冉  
天邊雲樹曉團團滿汀芳草留孤艇度石幽泉咽下灘  
最愛東頭小亭子聽鶯何日一憑闌

題朱敷文煙巒曉景

明錢用壬

江上亂峯生暮煙隔江遙望水雲連西風戰艦今無數

不見朱家書畫船

雲山晚景圖

元 劉 因

天機濃淡出巖姿  
夢境風雲入壯思  
畫裏青山照白髮  
行藏渾似倚樓時

江天暮景圖

元 程 鉅 夫

昏鴉零亂掩荆扉  
煙樹微茫水四圍  
我願卜鄰還要否  
門前恰有釣魚磯

畫江天晚色

贈志學

元 倪 瓚

不見呂君久題詩懷不忘風聲渾落葉山影半斜陽獨  
鶴來遲暮孤帆出渺茫為圖秋色去留寄讀書堂

誠道原溪山晚霽圖

元釋祖柏

微雨過溪上青山草閣前牛羊知返徑童稚喜歸船煙  
樹邛邛鳥春泉處處田披圖憶芝阜頭白尚安眠

江山晚眺圖

明高啓

一髮青山斷鴈邊渚宮樓閣暮雲連煙波髣髴江南意  
風柳依稀峽外天釣艇歸時風動葦僧鐘起處日沉煙

觀圖忽起滄洲想身墮黃塵又幾年

暮江圖

明湯顯祖

風起煙霏林翠開暮帆秋色半江迴疎燈獨照歸鴻急  
長似瀟湘夜雨來

高尚書夜山圖

元鮮于樞

世人看山在山下李侯看山向絕頂世人畫山畫白日  
李侯畫山摹夜景絕頂看山山更奇夜景摹出人少知  
遠山蒼蒼近山黑巖樹歷歷汀樹微天高露下暮潮息

月明一片寒江遲藏深樂淵潛驚定安林棲耳絕城市喧  
心息聲利機古人無因駐清景高侯有筆能奪移容翁  
復作有聲畫冥搜天巧為補遺後來知有李侯之德高  
侯畫千年人誦容公詩

題高尚書夜山圖

元  
鄧文原

吳山面滄江中秋氣颯爽樓居謫仙後公退謝塵鞅孤  
月出海上高懷一俛仰佳哉高侯畫得意超象罔我來  
秋向晚月色寒蒼莽山遠落木淨風高怒濤響奔騰萬

雲氣忽駕蒼蚪上平湖雨翻江渺渺波蕩漿回思圖畫  
時歲月倏已往山川更晦明陰陽遞消長人生何獨勞  
局促老穹壤我將秉倒景千載縱清賞松喬遺世人一  
笑凌煙像

為蔣英仲作顏輝畫青山夜行圖歌

元  
柳 貫

前山濕霧方濡濡後山蒸雲如鬼驅松蹊行盡迫曛黑  
壁月正挂寒蟾蜍問翁蒼茫何所適投館莫有林間廬

枯梢尚鳴風勢急隈岸欲渡溪流麤  
沃州天姥雖峭絕無此原壑深盤紆  
固應豐城牛斗墟龍劍夜出乘飛符  
神人仗氣挾以俱虎豹旁躑雄牙須  
世間何物珊瑚株不可褻翫矧可誣  
青峰之巔野水碓獨往似是仙者徒  
心融意定不少假收攬竒怪一筆摹  
蔣君閑朝攜過余墨色照几晴光鋪  
老顏未老為此圖柳子歌罷三嗚呼  
南州雙壁范與虞君當請賦傾明珠

題高尚書夜山圖

元  
吳全節

高李風流仕西浙共倚危樓望吳越吳越江山千萬里  
高侯畫對中秋月生紙經營入董源朦朧煙樹迷宮闕  
玉露沈沈四沈寥潮聲已息簫聲咽不寫思陵全盛時  
空遺白堦堪愁絕君不見王子猷亦向山陰弄雪舟誰  
拈秃筆埽清遊古今佳致總悠悠

夜山圖

元  
高克恭

萬松嶺畔中秋夜況是樓居最上方一片江山果奇絕  
却看明月似尋常



高尚書夜山圖

元趙孟頫

高侯胸中有秋月能照山川盡豪髮戲拈小筆寫微茫  
咫尺分明見吳越樓中美人列仙矐愛之自言天下無  
西窗雨暗政愁絕燈前還作夜山圖

高尚書夜山圖

元虞集

吳越蒼茫咫尺間尚書能畫夜看山塵銷海市露初下  
雪積江山潮始還坐上賦詩誰絕唱夢中化鶴或臨關  
高情久逐年華盡秋樹寒波愧妙顏

夜山小景

明 盛萬年

月明萬象俱空人靜諸峯欲動  
息息斷却塵緣寂寂喚  
回幽夢

夜景

明 文彭

柴門月色最清宜寫出詩情杜拾遺  
一片林巒深窅渺  
不分明處更離奇


題山水夜景

明 姚 澣

遠峰纖月鬪雙彎橋下寒流響珮環  
多恐一天清露重

不教神女戀人間

御定歷代題畫詩類卷二十



總校官庶吉士臣侍朝

校對官編修臣裴謙

膳錄監生臣吳向仁

欽定四庫全書薈要

集部

御定歷代題畫詩類卷二十一

欽定四庫全書薈要

御定歷代題畫詩類卷二十一目錄

山水類

郭熙畫秋山平遠

宋蘇軾

次韻子瞻題郭熙畫秋山平遠

宋黃庭堅

郭熙秋山平遠用東坡韻


宋樓鑰

郭熙秋山平遠

宋蘇軾二首

次韻子瞻題郭熙平遠

宋蘇轍二首



題工部文侍郎周翰郭熙秋山平遠

宋晁補之二首

題遠山平林圖

宋王炎

題姪孫豈潛家平遠圖

宋戴復古

豈潛弟平遠圖

宋戴昂

梁忠信平遠山水

金劉迎

秋山平遠圖

元劉因

趙令穰秋邨平遠圖

元鄧文原

江貫道江山平遠圖

元虞集



題江貫道平遠圖

元鄭東

題賈治安同知秋林平遠圖

元錢惟善

題吳仲圭平遠圖

明鮑恂

題夏圭溪山清遠圖

明陳川

題自畫秋林平遠

明張宇初

題陳秀才溪山佳趣

元戴表元

題玉巖上人溪山野趣圖

元成廷珪二首

雲山清趣圖

明丘濬

湖山佳趣圖

明陳仲完

湖山佳趣卷

明李昌祺

江山遠趣圖

明周敘

題方用方林塘幽趣圖

明鄭闕

題湖南清絕圖

宋韓駒

洪武丁丑春題王叔明湖山清曉圖

明莫士安

題王叔明湖山清曉圖

明王世貞

巨然山寺

金任詢

題巨然山寺圖

元虞集

燕文貴秋山蕭寺圖

元鮑恂

燕文貴秋山蕭寺圖

元陸廣

燕文貴秋山蕭寺圖

元高遜志

燕文貴秋山蕭寺圖

元俞復

燕文貴秋山蕭寺圖

元倪瓚

題燕文貴秋山蕭寺圖

明黃守

方方壺松巖蕭寺圖

元鄧文原

方壺松巖蕭寺

元吳鎮

方方壺松巖蕭寺圖

元黃公望

題香山寺畫卷

元王惲

題秋林煙寺圖

元陳旅

費景祥索題徐幼文寫蕭山古寺圖

明張羽

煙寺晚鐘圖

元吳師道

煙寺晚鐘圖

明謝士元

集句題山邨圖

元馬臻二首

題江邨圖 元杜本

水邨圖 明鄧楠

水邨圖 明顧天祥

水邨圖 明沈周

題董元溪岸圖 元趙孟頫

錢舜舉溪岸圖 明張羽

蒼崖遠渚圖 元元好問二首

題梅道人平林野水圖 元鄭洪

水光林影圖

元丁鶴年

為王希曾題溪南長蕩圖

明吳寬

為楊簡齋題空濛圖

元馬臻

題陳直卿一碧萬頃

元朱德潤

為馬仲禎題一灣煙水

明僧麟洲

次韻趙僉為趙宰畫野水多於地春山半是雲蓋

宰之尊公詩也

宋方岳

江流天地外山色有無中

明魏時敏

題友雲水墨畫以唐人不雨山長潤無雲水自陰  
為畫景遂次其韻題之

明陳顥





欽定四庫全書薈要卷一萬九千二百二十九

集部

御定歷代題畫詩類卷二十一

山水類

郭熙畫秋山平遠

宋

蘇軾

玉堂畫掩春日閒中有郭熙畫春山鳴鳩乳燕初睡起  
白波青嶂非人間離離短幅開平遠漠漠疎林寄秋晚  
却似江南送客時中流回頭望雲巘伊川佚老鬢如霜  
臥看秋山思洛陽為君紙尾作行草炯如嵩洛浮秋光

我從公遊如一日不覺青山映黃髮為畫龍門八節灘  
待向伊川買泉石

次韻子瞻題郭熙畫秋山平遠

宋 黃庭堅

黃州逐客未賜環江南江北飽看山玉堂卧對郭熙畫  
發興已在青林間郭熙官畫但荒遠短紙曲折開秋晚  
江邨煙外雨脚明歸鴈行邊餘疊巘坐思黃柑洞庭霜  
恨身不如鴈隨陽熙今頭白有眼力尚能弄筆映牕光  
畫取江南好風日慰此將老鏡中髮但熙肯畫寬作程

五日十日一水石

郭熙秋山平遠用東坡韻

宋樓鑰

槐花忙過舉子閒舊遊憶在夷門山玉堂會見郭熙畫  
拂拭縑素塵埃間楚天極目江天遠楓林渡頭秋思晚  
煙中一葉認扁舟雨外數峰橫翠巘淮安客宦踰三霜  
雲夢澤連襄漢陽平生獨不見寫本慣飲山綠餐湖光  
老來思歸真日日夢想林泉對華髮丹青安得此一流  
畫我橫筇水中石

郭熙秋山平遠

二首

宋蘇軾

目盡孤鴻落照邊遙知風雨不同川此間有句無人識  
送與襄陽孟浩然

木落騷人已怨秋不堪平遠發詩愁要看萬壑爭流處  
他日終煩顧虎頭

次韻子瞻題郭熙平遠

二首

宋蘇轍

亂山無盡水無邊田舍漁家共一川行遍江南識天巧  
臨牕開卷兩茫然

斷雲斜日不勝秋，付與騷人滿目愁。  
父老如今亦才思，一蓑風雨釣槎頭。

題工部文侍郎周翰郭熙秋山平遠

二首

宋  
晁補之

漁邨半落楚江邊，林外秋原雨外川。  
誰倚竹樓邀大舫，天涯暮色已蒼然。

洞庭木落萬波秋，說與南人亦自愁。  
欲指吳松何處是，一行征鴈海山頭。

題遠山平林圖

宋 王 炎

山色微茫疑有無，木葉半脫殊蕭疎。  
雲根更著數椽屋，此屋當有幽人居。  
墨妙逼真乃如此，畢竟非真惟近似。  
何如屐齒飽經行，是處溪山皆畫筍。  
還君圖畫我且歸，家在江南依翠微。

題姪孫宣潛家平遠圖

宋 戴復古

好山橫遠碧，平野帶林塘。  
四望耕桑地，幾年雲水鄉。  
海天一龍上，秋日鶴翱翔。  
覩物忽有感，無心住草堂。

豈潛弟平遠圖

宋戴昺

卜築占寬閒修篁老樹間  
八牕開宇宙一室貯雲山野  
曠行人少天遙去鳥還  
悠然會心處妙語徹玄關

梁忠信平遠山水

金劉迎

憶昔西游大梁苑玉堂門閉花陰晚  
壁間曾見郭熙畫江南秋山小平遠  
別來南北今十年塵埃極目不見山  
烏鞞席帽動千里只慣馬蹄車轍間  
明牕短幅來何處亂點依稀澆寒具  
煥然神明頓還我似向白玉堂中住

濛濛煙靄樹老蒼上方樓閣山夕陽一千頃碧照秋色  
三十六峰凝曉光懸崖高居誰氏宅縹緲危欄蔭青樾  
定知枕石高卧人常笑騎驢遠遊客當時畫史安定梁  
想見泉石成膏肓獨將妙意寄毫楮我愧甫立隨諸郎  
此行真成幾州錯區區世路風波惡還家特作發願文  
伴我山中老猿鶴

秋山平遠圖

元  
劉因

南山千古一悠然誤落闕全筆意邊急著新詩欲收領



已從慘淡失天全

趙令穰秋邨平遠圖

元 鄧文原

白沙翠竹映江皋幾處邨居對寂寥  
水落漁梁人暗度霜清曲渚荇初銷  
千山雜沓凝嵐紫萬木蕭森向晚彫  
自是秋光無限好誰知點染付輕毫

江貫道江山平遠圖

元 虞 集

江參去世二百年翰墨零落多無傳  
人間幾人寫山水誰能意在揮毫前  
昨見石林舊家物春雷疊嶂初破墨

我和葉詩頗豪放三者相望都突兀險危易好平遠難  
如此千里數尺間高雲舒卷非散地麗日照耀皆名山  
我持美脯酒一斗墨汁盈盤可濡首江生精神作此山  
向山呼生當至否高秋銀漢天無雲帷中冷然來夜分  
黃茅嶺頭華蓋頂畫我獨訪浮丘君

題江貫道平遠圖

元鄭東

飛鳥欲沒暮煙稠落落人家竹樹秋絕似南徐城上望  
蒼茫野色入揚州

題賈治安同知秋林平遠圖

元錢惟善

軒蓋昂昂五丈夫，傲然睥睨石於菟。  
扁舟人似青山瘦，折簡從來不可呼。

題吳仲圭平遠圖

明鮑恂

蒼山遙遙幾千里，綠樹參差碧煙起。  
雙帆忽從江上歸，影落斜陽濕秋水。  
林陰蒼莽鳥不飛，石徑蹭蹬行人稀。  
松根似可縛節屋，沙尾亦足容漁磯。  
我嘗西遊倚江閣，極目長空入寥廓。  
好山不肯過江來，恨不乘風跨黃鶴。

吳君畫手當代無落筆何年成此圖安得著我巖壑底  
相覓老樵尋釣徒

題夏圭溪山清遠圖

明陳川

我家東南丘壑好曲折雲林護危杪澗沙流水春自香  
石楠碎葉秋如掃縛柴野橋松雨涼鳴鐘破寺茶煙香  
山椒茅亭如笠大石脚漁舟似瓢小人家制度太古前  
雞犬比鄰往還少酒杯吹香小店門落日漁樵多醉倒  
六年不歸長夢見白髮忘情負魚鳥晴牕見畫三摩挲

舊夢微茫今了了不知何處得此圖覺我山居殊草草  
安得溪南寫石田便攜妻子從茲老

題自畫秋林平遠

明張宇初

北苑高情宿世同疎林汀渚正秋風硯池灑墨應多思  
寫向寒煙夕照中

題陳秀才溪山佳趣

元戴表元

城郭尋尋盡溪山宛宛來同誰遷蠟屐為子破莓苔書  
欲爛斑設花須爛熳開趙郎題墨妙煙霧眼中開

題玉巖上人溪山野趣圖

元 成廷珪

流水淙淙石齒齒滿庭雲氣欲模糊白鷗溪上秋多少

黃葉山中路

一作徑

有無十月雨深漁屋破三江風急野

航孤年來難覓幽居處空向晴牕看畫圖

題玉巖上人溪山野趣圖

元 成廷珪

秀州城西春事微二月苦雨行人稀江湖渺然不可渡  
風雨如此將安歸老來口腹胡為累亂後人民今見非  
兼旬不得武陵信倚杖南望孤鴻一作飛

雲山清趣圖

為歐陽道人作

明丘濬

山矗矗雲漫漫雲容山色微茫間一天澹月秋空靜滿  
地落花春雨寒道人愛此有清趣穿雲結屋依山住一  
縷茶煙午夢餘兩腋清風欲飛去欲飛不飛無限情拂  
絃時作太古聲驚猿叫月淚潛墮老鶴知更相和鳴夜  
深萬境俱岑寂兀然虛室生寒白回頭人世隔紅塵雲  
山慘澹無顏色

湖山佳趣圖

明陳仲完

微雨息市氛  
晴光溢水木  
暫輟童冠書  
少豁林泉目  
我哉南北峰  
影浸西湖綠  
嶺外號長松  
霞邊起孤鶩  
荷香隱綵舟  
鳥鳴迂絲竹  
興並坡老遊  
吟步逋仙躅  
落日度寒鐘  
悠然自天竺

湖山佳趣卷

明

李昌祺

宦遊愜深好  
乃在名勝區  
山水自足適  
况茲職文儒  
橫經有餘閒  
逍遙出通衢  
春服各已成  
遂與童冠俱  
徘徊恣言笑  
登陟忘飢飭  
晴鳶戾層空  
弱藻翻文魚  
至理與



景會天機獨吾娛悠悠仰川上眷眷懷舞雩詠歌返鸞  
舍高興誰能踰

江山遠趣圖

為襄城伯賦

明周敘

長天極浦波溶溶巖巒秀沓青芙蓉生綃半幅圖遠趣  
騁歸江山千萬重近郭名園不知處樓觀依微出深樹  
細雨孤帆島外舟殘煙列騎花間路飛流百丈晴虹懸  
危梁倒影丹崖巔樵徑多逢采芝客石林靜隱看棋仙  
層層閣道雲連棧渺渺隄沙落歸鴈劒門天闕窮勝遊

湘水秋高縱青盼我公心事非等閒豈必娛情圖畫間  
意氣遙凌蔥嶺道聲光直動燕然山河清海晏昇平日  
移鎮南都今第一丹青好寫麟閣容頌功更有如椽筆  
題方用方林塘幽趣圖

明 鄭 闕

何處發清興林塘橫絕標羨君林塘有幽趣為君醉作  
林塘謠我為林塘吟爾得林塘樂長風捲雨白日來池  
瀑淙淙向人落三峽長江動地迴遙波轉汐送林隈當  
牕方前翠可愛百尺芙蓉天外開寒梅水竹連芳野瀾

鵜鳬驚滿沙野豐草能為冬夏青飛雲不管晨昏度坐  
來谷籟飄林樾清景令人爽毛骨為君去此謝浮名還  
山却埽林塘月

題湖南清絕圖

宋 韓 駒

故人來從天柱峰手提石廩與祝融兩山坡陀幾百里  
安得置之行李中下有瀟湘水清瀉平沙側岸搖丹楓  
漁舟已入浦澈宿客帆日暮猶爭風我方騎馬大梁下  
怪此物象不與常時同故人謂我乃絹素粉精墨妙煩

良工都將湖南萬古愁與我頃刻開心胸詩成畫往默  
惆悵老眼復厭京塵紅

洪武丁丑春題王叔明湖山清曉圖

明  
莫士安

青山屏列水涯畔白雲繚繞山腰半分明曉色澄素秋  
顛倒湖光接銀漢江霞滅盡海暎生巴雪消多沔冰泮  
皮葉巔崖高莫梯回合源泉淨堪盥天遠匡廬秋杳冥  
兩足沅湘春汗漫濃於藍汁可染衣楮若童顛未加冠

盤谷繚通百折深緱嶺危撐半空斷澗橋蔭合蹋新涼  
渚閣香凝坐平旦短屐扶藜野興濃輕舫聚網波紋散  
南灣農鄰猶閉關西崦人家未炊爨僧寺樓臺松滿林  
漁屋軒窗柳遮岸陶令秫田誰為耕邵侯瓜地親將灌  
種桃莫問武陵津采芝偶得商於伴書封鴈帛感蘇卿  
鱸斫鱸絲羨張翰濯纓欲待滄浪清挽衣空歌白石爛  
樹樹巖花嵐霧重葉葉汀蒲水風亂蛺蝶暖依芳草飛  
鷓鴣晴入叢篁喚荇藻翻容避釣魚杉枿不借尋巢鶴

壁帙芸枯粉蠹生  
岫幌藤穿蒼鼠竄  
翠墮梧桐借翦圭

纂結絲蘿愛垂幔  
米家尚存書畫船  
吳綾不減錦繡段

人來西北淹壯遊  
地擁東南隔奇觀  
標靈顯秀環故居

汎影浮暉在吟案  
誰能高深故不兢  
我為登臨每無憚

當時對景真髣髴  
遶次圍闌舊凝翫  
丹青揚色眼停瞬

鐵石心腸願為汗  
蹤跡頓忘今昔非  
記憶方驚歲年換

半生自笑不歸去  
兩足其如有羈絆  
泉石膏肓百慮增

塵土心胸一朝澣  
湖山如此慰相思  
天地茫然寄長歎

題王叔明湖山清曉圖

明  
王世貞

誰捐吳綾寫蕭瑟乍看無乃王摩詰即非摩詰或思訓  
敢謂黃鶴樵人筆黃鶴夜半不肯眠欲換凡翼求真筌  
吸將三斛碧沆瀣吐作八尺青嬋娟空青濛碧猶未已  
似有天雞喚山起零露枝枝瓔珞珠初陽處處蒲萄綺  
問余展卷胡留連欲言不言心惘然市朝少進車馬急  
方信此中殊有天

巨然山寺

金  
任  
詢

孤撐山作碧螺髻漫散水成蒼玉鱗野寺荒涼人不到  
水光山影正橫陳

題巨然山寺圖

元虞集

禪林閱清景雲門作重關幽人不可求邈然在高山古  
路何迢迢前塵接人寰雖有樓觀高飛泉望潺湲誰為  
飛行身踐蹋紫翠間野渡具舟楫有待終日閒空令垂  
釣客薄暮聽鐘還

燕文貴秋山蕭寺圖

元鮑恂



蕭寺久寥落燕侯為發揚山橫紅樹晚殿鎖碧雲涼杖  
策情仍在乘舟意不忘獨懷前代事撫景暗悲傷

燕文貴秋山蕭寺圖

元陸廣

長風吹船過彭蠡縹緲雲巒矗天際天柱峰迴玉筍遙  
金掌芙蓉半空起汴宋先後多畫師回斡天機誰比擬  
燕侯文貴世罕得點染清妍才擅美斯圖拂拭雙眼明  
幽討直須論萬里箭鏦絡石虧雲根鐵壁蒼崖澈澗沁  
紺殿珠樓佛寺中丹臺玉室仙境裏水塘沙際市橋邊

野店人家茅屋底令我憶舊遊心跡追冥搜華星耀丹  
壑綵仗凌玄洲安期羨門子招搖指蓬丘回視勾吳山  
培塿一土坏載復觀斯圖慷慨興歌謳

燕文貴秋山蕭寺圖

元 高遜志

野性樂山水塵居違素心蕭然困疲役胡能遂幽尋恒  
思愜所適勝槩恣登臨秋清景尤曠蒼翠列遙岑霜餘  
委蔓草孤秀愛雲林畸人寡諧俗結宇丹崖陰浮念不  
煩遣寂寞契沖襟况復邇蕭寺禪誦有遺音簞瓢足自

老簪組知難任披圖憶所歷閱歲茲已深景物匪殊昔  
但傷華髮侵何當脫塵躅歸休期自今

燕文貴秋山蕭寺圖

元 俞 復

潯陽江上山如繡挾策追遊憶往年柿葉霜黃秋滿壑  
芙蓉波冷月臨川釣舟箇箇來沙曲梵宇層層倚樹顛  
白髮田園歸計晚斷腸西望夕陽邊

燕文貴秋山蕭寺圖

元 倪 瓚

野棠花落過清明春事怱怱夢裏驚倚棹幽吟沙際路

半江煙雨暮潮生

題燕文貴秋山蕭寺圖

明黃守

迴崖列岫鬱相連  
兜率樓臺際碧天  
飛鳥已還秋色裏  
疎鐘猶在夕陽邊  
溪橋緩轡官人馬  
野飯維稍客子船  
記得宦遊逢此景  
披圖不覺思茫然

方方壺松巖蕭寺圖

元鄧文原

雨過鷓鴣啼歇日  
斜猿兒聲高湖上  
長煙漠漠山中古  
寺迢迢人立東皋  
清眺帆歸西浦寒  
潮

方壺松巖蕭寺

元吳鎮

方壺終日瘴煙霞寫得湖山事事嘉  
湖上煙籠梵王宅  
山深雲覆羽人家  
詩翁佇立搜新句  
穉子閒來埽落花  
幾處歸帆何處客  
一聲啼鳥夕陽斜

方方壺松巖蕭寺圖

并序

元黃公望

方壺此卷高曠清遠可謂深入荆關之堂奧矣鄙句  
何足以述之媿媿

浩渺滄江數千里  
幾幅蒲帆挂秋水  
曉風吹斷綠蘿煙

百疊青峰望中起  
梵王宮闕倚雲開  
七級浮屠倒影來  
山人久已謝朝市  
日踞江頭百尺臺  
松篁叢雜多啼鳥  
隔岸人家九彈小  
此圖此景入天機  
誰能髣髴方壺老  
題香山寺畫卷

元王惲

送客當年過玉泉  
醉中遊賞得奇觀  
一泓湛碧浮僧鉢  
幾葉秋黃打石闌  
山色空濛金界濕  
松聲清泛海波寒  
吟鞭回首都門道  
斜日歸時翠滿鞍

題秋林煙寺圖

元陳旅

秋氣滿林壑野樹集汀洲有客過山寺聽猿卧石樓

費景祥索題徐幼文寫蕭山古寺圖

明  
張羽

山人手持酒一卮長跪向我求新詩自言此畫君所識  
乃是河南使君之所為砮崖怒瀑形崛奇天門閣道相  
因依中有臺殿橫天梯金繩碧瓦光參差使君當年作  
此時祇是昂藏一布衣豪雄意氣今已極圖畫應知得  
者稀右丞輞川不易致此公名位豈卑微請語世上悠

悠者人生貧賤安可欺

煙寺晚鐘圖

元 吳師道

半空孤塔擎飛杆四壁長煙漲白波  
落木疎林秋色老  
斷鐘殘磬暮樓多

煙寺晚鐘圖

明 謝士元

百八振磬句遠送夕陽暝煙際聲未沉  
歸僧在蘿逕

集句題山邨圖

元 馬臻

先生高興似樵漁更有何人在此居  
茅屋數間牕窈窕



睡時山雨濕圖書

萬疊青山但一川  
一邨桑柘一邨煙  
隔林鶯語聞機杼  
猶記騎驢掠社錢

題江邨圖

元杜本

樹林蓊蔚水縈環  
知是江南何處山  
幾載幽并倦行役  
按圖欲借屋三間

水邨圖

明鄧楠

向來寓意思卜居  
佳處只今成畫圖  
胸中本自渺江海

主人相浼寫汾湖

水邨圖

明顧天祥

疎柳平蕪落鴈飛  
斷橋斜日釣船歸  
江天萬頃秋如畫  
一笑人間醉墨非

水邨圖

明沈周

魚莊蟹舍一叢叢  
湖上成邨似畫中  
互渚斷沙橋自貫  
輕鷗遠水地俱空  
船迷楊柳人依綠  
燈隔蒹葭火映紅  
全與吾家風致合  
草堂曾有此愚翁

題董元溪岸圖

元趙孟頫

石林何蒼蒼，油雲出其下。山高蔽白日，陰晦復多雨。窈  
窕溪谷中，澶回入洲渚。冥冥猿狖居，漠漠鳬鴈聚。幽居  
彼誰子，孰與玩芳樹。因之一長謠，商聲振林莽。

錢舜舉溪岸圖

明張羽

憶昔至元全盛日，天子詔下徵遺逸。吳興八俊皆奇才，  
秀郎王孫稱第一。一朝玉馬去朝周，諸子聲名總輝赫。  
豈知錢郎節獨苦，老作畫師頭雪白。江南沒骨傳者希，

錢也得法誇精奇晴牕點染弄顏色得錢沽酒不復疑  
今人祇知重花鳥豈識此圖奪天巧玄雲抱石雷雨垂  
蒼山夾水龍蛇遶岸側溪回共杳冥蒲稗深沉映魚鳥  
漁舟乍隨遠煙散客子競渡澄江曉自云布置師北苑  
只恐庸工未深了卷餘更有魏公題字擬鍾王差未老  
鄭侯得之恐神授使我一見喜絕倒雙溪流水清何極  
城外南山空黛色文章翰墨何代無二子儔能躡其迹  
為君題詩三歎息於乎古人難再得

蒼崖遠渚圖

二首

元好問

深谷高林自一天紅塵無路近風煙兩椽茅屋半生了  
况是清溪有釣船

竹帛功名一筆無殘年那復計榮枯青山未得攜家去  
惆悵題詩是畫圖

題梅道人平林野水圖

元鄭洪

浣花谿頭車騎發鏡湖影裏畫圖開有客相尋草堂去  
何人却櫂酒船迴是處山林有真隱如此風塵無好懷

青袍不似黃冠樂二老風流安在哉

水光林影圖

元 丁鶴年

知是平泉是輞川水光林影共悠然  
薜蘿涼映紛紛月蘋藻清涵澹澹天  
微颭翠旗龍天矯倒開金鏡鳳翩翩  
此中真趣誰能辨吏隱雲間一散仙

為王希曾題啓南長蕩圖

明 吳寬

吳綾八尺餘遠勝好東絹坐移長蕩來  
歛向眼中見按圖想舊遊巒嶺非生面  
陽山踞獨尊虎阜奔而殿柔櫓

一搖搖船頭翠痕轉春山澹若空白雲故多變佳哉吳  
中景獨許沈郎擅典客方壯年孰云宦途倦吾志每圖  
南欲趁秋風便幽深付一筇此樂人勿羨

為楊簡齋題空濛圖

元馬臻

西湖天下奇回薄太古色春風散花柳元氣蕩空碧淡  
然存天真豈為歌舞惑我家本住湖水邊筆牀茶竈依  
漁船振衣一別五千里為君展卷心茫然欲問吾廬在  
何處但見老木浮寒煙吾廬不可尋山川不可越人生

行止會有時長笑階前望明月

題陳直卿一碧萬頃

元 朱德潤

浩蕩具區尾蒼茫不斷流水光浮四霽雲氣接三州日  
月雙丸吐江山萬古愁吟軒未能啟鄉思獨登樓

為馬仲禎題一灣煙水

明 僧麟洲

占得沙河水一灣此身能與狎鷗閑桃花斷岸無船到  
楊柳衡門盡日關千里煙波歸老眼十年魂夢入鄉山  
扁舟西塞山前路流水肥魚待爾還



次韻趙僉為趙宰畫野水多於地春山半是雲蓋

宰之尊公詩也

宋方岳

竹屋無人肯見過寒雲自傍釣船多老仙更在雲深處  
奈此春山野水何

江流天地外山色有無中

明魏時敏

林亭閒寄傲極目浩無邊山斂雲藏樹江浮水接天征  
鴻歸楚塞斜日下襄川留得山翁醉清風幾百年

題友雲水墨畫以唐人不雨山長潤無雲水自陰

為畫景遂次其韻題之

明陳顥

看畫晴牕裏蕭然淨俗心  
鳥聲春寂寂嵐氣晝陰陰  
門俯滄洲迴船移別浦深  
令人想風致飛夢到雲林

御定歷代題畫詩類卷二十一